

醫方彙編

九



醫方集宜卷八總

小兒門

臍風

變蒸

驚驚

慢驚

驚風

慢脾風

天釣

內釣

中風

癰疾

疳疾

夜啼客忤

咳嗽

喘急

脾胃

泄瀉

嘔吐

霍亂

痢疾

瘧疾

積聚

腫脹

傷寒

傷風

脫肛

五軟

大便不通

卷八總目終

醫方集宜卷之八

小兒門

夫醫之道莫難乎小兒蓋一忽有病不可以脉切不可以言審惟在察色聽聲要知疾病之由是亦難矣若小兒初生之後稟受胎元厚者疾病自少稟受怯弱者不加保護生病多端或受驚觸或傷飲食或冒風寒皆能致疾若非燭理之明曷能辨哉一或少差爲害不淺業此者又當以明症而治療焉

小兒指掌脉紋圖



男左女右看手掌虎口紋法

一風關易治

二氣關疾深

三命關惡候

其症候看紋過寅關初病卯關疾深辰關難治

一寅關青色是四足驚

二卯關赤色是人驚

三辰關黑色是水驚

三關通度見五色者難治



看三關紋法

魚刺紋

Y

風關青色如魚刺者是初驚易治

氣關青色如魚刺疳癆身熱易治

命關青色如魚刺主風邪入脾難治



醫方集宜
卷八
懸針紋

風關青色如懸針主水驚易治

氣關赤色如懸針主肝肺臟積熱

命關有此形五色皆惡候

水字紋 水

風關如水字主驚風入肺咳嗽面赤

氣關如水字膈上有涎并虛積傷滯

命關如水字主驚風疳極候

乙字紋 乙

風關如乙字主肝臟驚風易治

氣關如乙字主驚風病重

命關如乙字青黑色主慢驚難治

曲蟲紋




風關如曲蟲疳積聚

氣關如曲蟲主大傷積穢

命關如曲蟲主心病傳肝難治

環紋



風關如環主肝臟疳疾積聚

氣關如環主瘕入胃吐逆者不治

命關如環者病不治

亂紋形

ㄣ ㄣ ㄣ ㄣ

風氣二關如亂紋者可治

通命關者難治

ㄣ 此文在手或在面或在左右臉皆死候

多紋曲鈎裏者是氣瘕

乞紋曲鈎外者是風瘕

ㄣ 斜勾右者是傷寒身熱不食無汗

向左者是傷風
身熱不食有汗



𠂇雙勾脚者是傷寒

彡三曲如長蟲者是傷硬物

乙兩曲如勾者是傷冷物

ㄣ一頭如環有脚是傷冷物

川彡三關紋不足者是風氣蟲積

小兒神異八段錦

丫形如魚刺

魚刺生紋亦與通 風關若見是初驚

忽然黑色緣風盛 總有靈丹未必惺

長至氣關心轉病 渾身紅熱定還輕
命關氣盛轉脾臟 任是盧醫救不寧

一形如懸針

懸針青黑在風關 被水驚來莫等閑
赤色氣關疳入肺 命關要救救應難
最怕青黑兼紅紫 必定須教命不還
通透三關休用藥 慢驚傳變少靈丹

水形如水字

水字風關氣受傷 驚風入肺病相當



更兼咳嗽粘涎盛 面赤須當早用防

若見氣關涎在膈 胸中痰盛有隨方

命關若見風疳盛 通透三關命卽亡

乙形如一字

乙字肝家受病初 驚風肺臟治難居

氣關若見紋雙紫 肝病肝方好藥醫

若見命關驚入胃 不論青黑病難除

若還俱見三關上 此是肝家死有餘

3 形如曲蟲



曲蟲疳病在風關

肝病傳脾肚腫寬

纔過氣關還肚腫

脾家有積治須安

急肝屬腎宜醫早

莫待稽遲恐救難

長到命關心便熱

驚疳莫治病相關

凡形如耳環

如環形候風關見

脾腎傳疳莫等閑

腹內積傷兼內實

莫教傳變長中關

氣關紋見風生胃

吐逆之時恐救難

若到命關休要治

縱然有命也難看



形如亂紋

亂紋形候在風關

蟲咬心頭苦忍難

用藥驅蟲心疾愈

更須何處覓靈丹

○ 形如流珠

流珠死候不堪醫

右手三關除此虧

○ 看紋歌訣



虎口亂紋多須知氣不和色青驚積聚下亂瀉如何
青黑慢驚發入掌內弔多三關忽通過此候必沉
疴

左右紅生似線形定是傷脾發熱驚右有雙紋如左
狀食因驚積一齊生紋頭有似三叉樣肺氣生痰
夜作聲赤青應有傷寒症只是單紅瀉定生

指上辨青紋認是四足驚黑色因水撲赤是被人驚
紫色熱而瀉黃色是雷驚曲裏風還盛灣分食上
蒸但看叉手處方可辨其形

○診脉口訣

小兒有病須憑脉一指二關定其息浮洪風盛數多
驚虛冷沉遲實有積

小兒一歲至三歲呼吸須將八至看九至不安十至

困短長大小有邪干

小兒脉緊是風癇沉脉須知乳化難腹痛緊弦牢實

秘沉而遲者骨中寒

小兒脉大多風熱沉細緣因乳食結弦長知是胃肝

風緊數驚風四肢掣

浮洪胃口似火燒沉緊腹中痛不歇虛濡有氣更兼

風脉孔多痢大便血

前大後小童脉順前小後大必氣咽九至洪來苦煩

滿沉細腹中痛切切

滑主露濕冷所傷弦長客忤分明說息數平和八至

七此是聖賢傳妙訣

凡看小兒一歲至七歲一息八至或云六至是平

和無病之脉九至爲數十至爲極五至爲遲四至

爲敗十歲以上六至爲平和七數八極四遲三敗

此呼吸之至數也

○小兒無病歌

小兒常體貌情態自端然鼻內無乾涕喉中絕無涎
頭如青黛染唇似點珠鮮臉芳花映竹頤綻水中
蓮喜引纔方笑非因手不宜縱哭無多哭雖眠不
久眠意同波浪靜情若月明天此兒安又吉何愁
病患纏

○小兒外證惡候歌

眼上赤脉下貫瞳人顙門腫起兼及作坑鼻乾黑燥

